

North Sotho - Moya Ntwa Mangwalo - SW Intro Scriptures

Luka 17:5 Baapostola ba kile ba kgopela Morena ba re: Re ekeletše tumelo. BaRoma 10:17 Etse tumelo e tšwa go kweng; mme go kwa go tla ka lentšu la Modimo.

Luka 11:1 Ya re ge Jesu a le mo gongwe mo a bego a rapela, a re go fetša, e mongwe wa barutiwa ba gagwe a mo kgopela a re: Morena, re rute go rapela, bjalo ka Johane le yena a rutile barutiwa ba gagwe.

1 Timoteo 2:1-4 Keletšo ya ka še: Se segolo thata ke dithapelo le dithapelelo, go rapelela le go lebogela batho bohle. 2 Re rapelele marena le bohle ba e lego ba bagolo, gore re phele re wele dipelo re iketlile, re le ba borapedi ruri, re le batsebalegi. 3 Ke bjona bolo bjoo; ke gona go kgahla Modimo Mophološi wa rena. 4 Ke yena a ratago gore batho bohle ba phološwe ba fihlele tsebo ya therešo.

Sakaria 3:1,2 A mpontšha Joshua moperisita e mogolo a eme pele ga Morongwa wa Morena, Sathane a mo eme ka letsogong le letona a mmega. 2 Morena a bolela le Sathane a re: Morena o kgalema wena Sathane; o kgalengwa ke yena e a kgethilego motse wa Jerusalema. A monna e ga se legong le le ehutšwego mo mollong?

BaEfeso 6:12 Gobane tlhabano ya rena ga se ya go Iwa le madi le nama; re Iwa le mebušo le ba maatla le balaolamafase ba leswiswi; re Iwa le meoya ya bobe e lego sebakeng sa godimo.

BaEfeso 6:10,11 Bjale bana bešo! Nke ke fetše ka go re: Tiang Moreneng le thateng ya maatla a gagwe. 11 Aparang ditlhamo tšohle tša Modimo, gore le kgone go fenyka dipogo tša Diabolo.

BaEfeso 6:13-17 Ke gona itlhampeng ka marumo ohle a Modimo, gore ka mohlamobe le kgone go phema, le šale le eme le fentše tšohle. 14 Emang ge le itlemile matheka ka therešo, le apere sephemasefega sa toko, 15 dinaong le dule le itlemeletše go phafogela Ebangedi ya khutšo. 16 Gagologolo le sware kotse ya tumelo, ye le kgonago go tima mesebe e tšhumago ya yena e mobe ka yona. 17 Le rwale kefa ya phologo, le sware tšoša ya Moya e lego lentšu la Modimo.

BaHebere 4:12 Gobane lentšu la Modimo ke le le phelago, ke le maatla; ka bogale le phala tšoša efe le efe ya magale a mabedi; gomme le phololetše la ba la aroganya pelo le moyo, le malokololo le moko; mme le tseba go fenyeka diakanyo le kgopolole tša pelo.

Luka 4:8 Jesu a re: Ntlogele Sathane; go ngwadilwe gwa thwe: O

khunamele Morena Modimo wa gago, o direle yena a nnoši.

BaEfeso 6:18 Le be barapedi ba go tliša dithapelo tšohle le kgopelo tšohle ka mabaka ohle ka Moya; modiro woo le o phakgamele ka go kgotlelala ruri, le ka go rapelela bakgethwa ka moka.

1 Samuele 17:45-47 Dafida a fetola a re: Wena Mofilisita, o tla fa ka tšoša le ka lerumo, le ka kotse. Ge e le nna ke tlile fa ka leina la Morena wa Mašaba, Modimo wa dira tša Isiraele tše o bego o di roga. 46 Lehono Morena o tlo go gafela atleng sa ka, ka go bolaya ka go kgaola hlogo. Manong a legodimo le dibata tša naga ke tlo di lahlela toto tša dira tša Bafilisita, gore lefase ka moka le tsebe ge go Isiraele go na le Modimo. 47 Le lešaba le ka moka le tlo lemoga gobane Morena ga a thuše ka tšoša le ka lerumo. Tlhabano ye ke ya Morena. O tlo le gafela diatleng tša rena.

Luka 10:17-20 Ba masome a šupago ba boa ba thabile, ba re: Le meoya e mebe re be re e buša ka leina la gago. 18 Jesu a re: Sathane ke mmone a ewa legodimong bjalo ka legadima. 19 Tsebang, ke le nea matla a go gata dinoga le dihpepheng, le a go fenya matla ka moka a lenaba; ga go se se tlo go ba sa le šulafatša. 20 Fela, le se ke la thabela tše, ge meoya e bušwa ke lena. Thabang gobane maina a lena a ngwadilwe kwa magodimong.

2 BaKorinthe 10:3-5 Gobane le ge re sepela re la nameng, ga re hlabane senama. 4 Marumo a tlhabano ya rena ga se a nama, ke a maatla ka Modimo, a šwalalanya dibo. 5 Re šwalalanya maano le go iphagamiša gohle go šiteletšago tsebo ya Modimo; re itshwara ra tlema menagano gore e kwe Kriste.

Mateo 16:19 Ke tlo go nea dikgonyu tša mmušo wa magodimo. Tše o tlogo di tlema mo lefaseng di tlo tlengwa le magodimong. Tše o tlogo di hunolla mo lefaseng di tlo hunologa le magodimong.

2 Timoteo 1:7 Gobane Modimo ga a ka a re nea Moya wa boi; o re file Moya wa maatla, le wa lerato, le wa tlhaologanyo.

Mateo 12:28,29 Nna bjale ge ke leleka meoya e mebe ka Moya wa Modimo, ke gona ge mmušo wa Modimo o tlile go lena. 29 Ka gobane ngwakong wa mogale motho a ka tsena bjang a thopa dilo tša gagwe, ge a sešo a tlema mogale eo, a kcona a thopa ngwako wa gagwe?

BaEfeso 1:13 yo le lena le mo dumetšego le kwele lentšu la therešo, yona Ebangedi ya go phološwa ga lena, la swaiwa ka Moya o mokgethwa, wo le bego le o holofedišitšwe,

Ditiro tša BaApostola 19:6 Paulo a ba bea diatla, mme Moya o Mokgethwa wa tla go bona, ba bolela ka maleme a šele ba porofeta.

Mareka 16:15-18 A bolela le bona a re: Yang lefaseng ka moka, le kwatše Ebangedi go babopja ka moka. 16 E a dumelago me a kolobetšwa, o tlo phološwa; e a sa dumelogo o tlo lahlwa. 17 Mehlolo ye e tlo go felegetša ba ba dumetšego še: Ba tlo leleka meoya e mebe ka leina laka; ba tlo bolela ka maleme a mafsa; 18 Ba tlo swara dinoga ka diatla; le ge ba nwele se se bolayago, se ka se ke sa ba dira selo; ba tlo bea balwetši diatla, ba fola.

1 Johane 1:9 Ge re ipolela dibe tša rena, gona ka ge yena e le wa potego le toko, o re lebalela dibe a re hlatswa bokgopo ka moka.

Eksodo 20:5 O se ke wa di khunamela; o se ke wa di direla; ka gobane nna Morena Modimo wa gago ke Modimo yo bogale, e a latago bokgopo bja botatagobana go bana ba bona go fihla molokong wa boraro le wa bone mo go ba ba ntlhoilego.

Dipsaleme 109:17 Maroga a a bego a a rata a a mmoele; tšegofatšo, ye a bego a sa e rate, a e be kgole le yena.

Baahlodi 16:16 Gomme, ka gobane a fela a mo phegelela ka dipolelo, a mo hlokiša khutšo, a ba a mo lapiša wa go se sa rata go phela.

BaEfeso 4:26 Ge le galefa le se ke la senya; a letšatši le se dikele le sa galefile.

BaRoma 14:12 Sedio ge, motho mang le mang wa rena o tlo iphetolela pele ga Modimo.

1 Johane 2:23 Gomme e a ganetšago Morwa, le Tatago Morwa ga a na nae.

Johane 14:6 Jesu a re: Tsela ke nna, le therešo, le bophelo. Ga go e a tlago go Tate ge e se ka nna.

Mateo 11:28-30 Tlang go nna bohole ba le lapišitšwego, ba le imelwago; nna ke tlo le khutšisa. 29 Le ithweše joko ya ka, le rutwe ke nna; gobane ke yo bolo le wa pelo e kokobetšego; mme le tlo hwetša khutšo ya meoya ya lena. 30 Gobane joko ya ka ga e robe, morwalo wa ka ke o bohwefe.

2 BaKorinthe 6:2 Gobane o re: Ke go kwa ka lebaka la kgahlego; ke go thuša ka letšatši la phološo. Tsebang ge, lebaka la kgahlego ke la bjale; tšatši la phološo ke la lehono le.

BaRoma 10:13 Gobane go thwe: Ba go tlo phološwa ke ba ba bitšago ina la Morena.